



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-140/22
Sarajevo, 26.01.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 11. sjednici održanoj dana 26.01.2022. godine, primilo je k znanju

Informaciju o poduzetim aktivnostima na realizaciji projekta izrade kanalizacionog sistema za potrebe gornje stanice Trebević.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O PODUZETIM AKTIVNOSTIMA NA REALIZACIJI
PROJEKTA IZGRADNJE KANALIZACIONOG SISTEMA ZA POTREBE GORNJE
STANICE TREBEVIĆ

Sarajevo, januar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Programom rada Službe za urbano planiranje, investicije, stambene i komunalne poslove za 2022. godinu planirana je realizacija Projekta izrade kanalizacionog sistema za potrebe gornje stanice Trebević. Shodno tome, u Budžetu Grada Sarajeva za 2022. godinu planirana su sredstva za realizaciju predmetnog projekta, koji je sadržan u prijedlogu Plana javnih nabavki Grada Sarajeva za 2022. godinu za izvođenje radova.

Projekat izrade kanalizacionog sistema, odnosno sistema odvodnje fekalnih voda iz objekta gornje stanice Trebevićke žičare i ugostiteljsko-poslovnog objekta Vidikovac je jedan od ključnih projekata za trajno rješenje pitanja odvodnje i zbrinjavanja fekalnih otpadnih voda tog lokaliteta.

Naime, na predmetnoj lokaciji postoji septička jama koja je trenutno u funkciji recipijenta za fekalne otpadne vode sa trebevićkog platoa, ali koja nije adekvatno trajno rješenje za prihvatanje otpadnih voda objekta Trebevićke žičare, a posebno što svojim kapacitetom neće moći prihvatiti povećane količine fekalnih otpadnih voda nakon što bude pušten u rad ugostiteljsko-poslovni objekat Vidikovac.

Kantonalni vodni inspektor je, također, na licu mjesta konstatovao da je „na septičku jamu žičare spojen i objekat restorana Vidikovac, što ne zadovoljava potrebe objekta, niti ispunjava uslove shodno Zakonu o vodama i podzakonskim aktima vezanim za vode.“

Iz navedenog razloga Grad Sarajevo je, sa ciljem trajnog, kvalitetnog i dugoročnog rješenja pitanja odvodnje fekalnih otpadnih voda sa lokaliteta Vidikovac, izradio projektnu dokumentaciju prema kojoj se fekalne vode, umjesto u septičku jamu, novoizgrađenom kanalizacijom odvede do najbližeg kolektora otpadnih voda javne kanalizacione mreže kojom upravlja KJKP „Vodovod i kanalizacija“ d.o.o. Sarajevo, tačnije do postojećeg kolektora u ulici Dolovi.

Prema tehničkom rješenju trasa novoprojektovanog kolektora dužine 2.650 m ide Apelovom cestom do priključka na postojeći šaht javne kanalizacione mreže u ulici Dolovi.

Budući da je u toku izrada prostornog plana područja zaštićenog pejzaža Trebević, Služba za urbano planiranje, investicije, stambene i komunalne poslove je u decembru 2021. godine organizovala sastanak sa resornim kantonalnim Ministarstvom za prostorno uređenje, Zavodom za planiranje razvoja Kantona Sarajevo i KJKP „Vodovod i kanalizacija“ d.o.o. Sarajevo, radi utvrđivanja da li je izrađeno tehničko rješenje prihvatljivo u kontekstu planske dokumentacije tog područja. Rezultat održanog sastanka su akti resornog Ministarstva kojima su date obavezujuće smjernice Zavodu i Gradu Sarajevo pri čemu je definisana i preporučena predmetna trasa kanalizacionog kolektora za ovo zaštićeno područje, koja se treba ugraditi u trup ili uz rub postojećih cesta. Na ovaj način otklonjena je potencijalna kolizija sa planskim infrastrukturnim rješenjima za predmetno područje, što je i bio razlog da je Općina Stari Grad u 2021. godini odbila izdati urbanističku saglasnost za izgradnju predmetne kanalizacije.

S obzirom da je konačno razriješeno sporno pitanje projektovane kanalizacije i prostornog aspekta planskih infrastrukturnih projekcija predmetnog lokaliteta, za očekivati je da ćemo u najskorije vrijeme pribaviti urbanističku saglasnost i odobrenje za građenje od Općine Stari Grad, čime će se steći uslovi za pokretanje javne nabavke i izgradnju navedene kanalizacije.

Po ishodovanju odobrenja za građenje, planirana je realizacija ovog projekta. Za isti su obezbijedena sredstva u Budžetu Grada Sarajeva za 2022. godinu te kreditna sredstva Razvojne banke FBiH, sveukupno 1.386.077 KM, koliko iznosi predračunska vrijednost radova prema Glavnom projektu.

Iz svega navedenog proizilazi da je opredijeljenost Grada da trajno i konačno riješi pitanje zbrinjavanja fekalnih otpadnih voda za predmetne objekte na lokalitetu Vidikovca na tehnički i zakonski korektan način, potpuno ispravno i opravdano.